

ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ  
ԼՈՌՈՒ ՄԱՐԶ

ՎԱՀԱԳՆԻ ՀԱՄԱՅՆՔԻ  
2013-2016ԹԹ. ՍՈՑԻԱԼ ՏՆՏԵՍԱԿԱՆ  
ԶԱՐԳԱՑՄԱՆ

ՔԱՌԱՄՅԱ ԾՐԱԳԻՐ  
2013-2016ԹԹ.

Կազմեց համայնքի ղեկավար



Պետրոս Բոչինյանը

Քննարկվել և հաստատվել է Վահագնի համայնքի  
ավագանու 2013թ-ի մարտի 13-ի նիստի թիվ 05-Ն որոշմամբ



# ԲՈՎԱՆԴԱԿՈՒԹՅՈՒՆ

1. Համայնքի իրավիճակի գնահատում
2. Համայնքի ռազմավարությունը և հիմնական նպատակները
3. Առանձին բնագավառներում առաջնահերթ խնդիրների, ծրագրերի, նպատակների առաջադրում և կոնկրետ խնդիրների ձևակերպում
4. Համայնքի բյուջեի ֆինանսական միջոցների գնահատում և կանխատեսում
5. Համայնքի զարգացման քառամյա ծրագրի հիմնական ցուցանիշները՝

Հավելված – 1. *Համայնքի ղեկավարի աշխատակազմի կառուցվածքը*

Հավելված – 2. *Համայնքային ենթակայության կազմակերպությունների կառուցվածքը*





# ՎԱՀԱԳՆԻ ՀԱՄԱՅՆՔԻ ՂԵԿԱՎԱՐԻ ՈՒՂԵՐՁԸ

Տեղական ինքնակառավարման մարմիններում արդյունավետ կառավարում իրականացնելու գլխավոր պայմաններից մեկը՝ գործունեության համաչափ ծրագրավորումն է գալիք ժամանակաշրջանի տարբեր հատվածներով: Սահմանափակ ֆինանսների արդյունավետ ծախսումը, նոր միջոցների ներգրավումը հարկերի հավաքագրմամբ, կնպաստեն համայնքի առաջնահերթ խնդիրների լուծմանը, բնակչության սոցիալ-տնտեսական վիճակի բարելավմանը:

Ռազմավարական քաղաքականության տեսանկյունից Վահագնի համայնքի քառամյա ծրագրի հեռանկարային ուղղությունները հետևյալն են.

1. Գյուղատնտեսության զարգացման ծրագրերի իրականացում:
2. Մշակույթային համակարգի բարեփոխում, Կրթամարզամշակութային համալիրի կառուցում :
3. Ներհամայնքային ճանապարհների վերականգնում, ասֆալտապատում, փողոցների ընթացիկ վերանորոգում և լուսավորում
4. Եկեղեցու կառուցում և շրջակայքի բարեկարգում
5. Գործազրկության կրճատում, աշխատատեղերի ստեղծում
6. Բնակչության իրավունքների պաշտպանություն
7. Կոմունալ ծառայությունների բարելավում





# ԲԱՌԱՄՅԱ ԾՐԱԳԻՐԸ ԾԱՌԱՅԵԼՈՒ Է

## ՀԵՏԵՎՅԱԼ ՆՊԱՏԱԿՆԵՐԻՆ

1. Գյուղատնտեսության զարգացմանը, գյուղատնտեսական արտադրանքի ավելացմանը և կոլեկտիվների ստեղծմանը
2. Բնակչության սպասարկման և կոմունալ ծառայությունների բարելավմանը
3. Բնակչության ֆոնդի ավելացմանը, բնակչության արտագաղթի պակասեցմանը
4. Նախադպրոցական, դպրոցական կրթության բարեփոխմանը, մշակութային, մարզական և սպորտային դաստիարակությանը
5. Տրանսպորտային սպասարկման բարելավմանը, փողոցների բարեկարգմանը
6. Համայնքում աղբահանության կազմակերպման և սանիտարահիգիենիկ պայմանների ստեղծմանը:
7. Արտակարգ իրավիճակների վերացմանը:

## ՆԵՐԱԾՈՒԹՅՈՒՆ

Սոցիալ-տնտեսական զարգացման քառամյա 2013-2016թթ. ծրագրում ներառված են համայնքի հիմնական խնդիրները:

Համայնքային զարգացման քառամյա ծրագիրը հրապարակվում է համայնքի զարգացման ընդհանուր խնդիրների մասին պատկերացում կազմելու, առաջիկա 4 տարում ռեալ ծրագրեր և բյուջե կազմելու, տեղական ինքնակառավարման մարմնի գործողությունները կոորդինացնելու համար:

Ծրագրում ներկայացված են հետևյալ փաստաթղթերը.

1. Գյուղապետի ուղերձը
2. Համայնքի մասին ընդհանուր տեղեկատվություն
  - \* պատմական ակնարկ
  - \* Ժողովրդագրություն
  - \* տեղական ինքնակառավարման մարմիններ
  - \* կրթություն, մշակույթ, սպորտ





- \* բնակարանաշինություն, բնակարանային և կոմունալ տնտեսություն, ճանապարհներ
- \* հողօգտագործում, գյուղատնտեսություն, շրջակա միջավայրի պաշտպանություն
- \* տնտեսության զարգացում
- \* առողջապահություն, սոցիալական վիճակ
- 3. Համայնքի ռազմավարությունը և հիմնական նպատակները
- 4. Առաջնահերթ ծրագրերի կոնկրետ խնդիրների ձևակերպումը ըստ առանձին բնագավառների
- 5. Բյուջեի ֆինանսական ցուցանիշների վերլուծությունը ըստ տարիների
- 6. Համայնքային սեփականություն հանդիսացող հիմնական միջոցների, գույքի առկայությունը
- 7. Հավելված գյուղապետարանի աշխատակազմի կառուցվածքի մասին
- 8. Հավելված գյուղապետարանի ենթակա կառույցների մասին

## 2. ՀԱՄԱՅՆՔԻ ԻՐԱՎԻՃԱԿԻ ԳՆԱՀԱՏՈՒՄ ԱՇԽԱՐՀԱԳՐԱԿԱՆ ԴԻՐՔԸ, ԿԼԻՄԱՆ ՊԱՏՄԱԿԱՆ ԱԿՆԱՐԿ

Գյուղը հիմնադրվել է 1805թ.-ին, գտնվում է մարզկենտրոնից 23կմ հեռավորության վրա՝ Փամբակ գետի ստորին հովտում, Վանաձոր-Ալավերդի մայրուղու ձախ կողմում: Համայնքն իր վարչական տարածքով սահմանակից է Ձորագյուղի, Անտառամուտի, Եղեգնուտի, Վահագնաձորի համայնքների վարչական տարածքներին: Համայնքին մոտ գտնվող երկաթուղային կայարաններն են՝ Վահագնաձոր-5կմ եւ Թումանյան-7կմ: Հարավային կողմով համայնքն իր վարչական տարածքով սահմանակից է նաեւ պետական ֆոնդի հողերին:

Աշխարհագրական դիրքը լեռնային է, գտնվում է ծովի մակերեւույթից 10935 մ բարձրության վրա: Ձմեռը տեւում է 140-160օր: Նվազագույն ջերմաստիճանը՝ -28C է, առավելագույնը՝ մինչեւ +38C: Տարեկան տեղումները քիչ են, վերջին տարիներին ձյուն քիչ էր գալիս: Համայնքի ցանքատարածությունները հաճախ են տուժում սեւալներից, կարկուտներից, երբեմն էլ՝ երաշտից: Համայնքը





համարվում է 1988թ. երկրաշարժից 95% ավերված, որի վերականգնման աշխատանքները դեռևս չեն ավարտվել: Համայնքի կենտրոնական մասում գտնվում է 1850թ. կառուցված եկեղեցին, որն այժմ կիսաքանդ վիճակում է: Հայրենական Մեծ պատերազմում զոհված Վահագնեցիների հիշատակին (1973թ.) կառուցված Վահագն վիշապաքաղ հուշարձանը կից թանգարանի հետ եւս ունի վերանորոգման կարիք: Համայնքի տարածքում կան բազմաթիվ խաչքարեր եւ կիկլոպյան դարաշրջանի ամրոց:

Ոռոգման ջուր չունենալու պատճառով համայնքը դժվարանում է կազմակերպել գյուղ, մթերքների արտադրությունը:

Հիմնականում զբաղվում են ցորենի, գարու, առվույտի, կարտոֆիլի, կաղամբի եւ այլ բանջարաբոստանային կուլտուրաների արտադրությամբ: Այս արտադրությունը կախված է բնության քմահաճույքից: Անասնապահությամբ զբաղվողներն արտադրում են կաթ, միս, բուրդ, ձու, մեղր: Երաշտի տարիներիս անասնապահության բնագավառում նույնպես մեծ դժվարություններ են առաջանում: Խոտի եւ խտացված կերի անբավարարվածության պատճառով դժվարանում է անասունների մսուրային շրջանի կազմակերպումը: Համայնքն ունի գյուղ.տեխնիկայի եւ պահեստամասերի կարիք:

Գյուղն ունի 1 միջնակարգ դպրոց: Այն նորակառույց է ունի 164 աշակերտ: Դպրոցն ունի 23 աշխատատեղ, մեկ ուսուցչին ընկնում է 8 աշակերտ: Լավ վիճակում է դպրոցի խմելու ջրի ցանցը: Դպրոցն ունի մարզադահլիճի , տեխ.միջոցների եւ դիդակտիկ նյութերի կարիք, ինչպես նաեւ որոշ առարկաների մասնագետների պահանջ: Համայնքը չունի մշակույթի տուն, որի պատճառով համայնքը զրկված է հասարակական միջոցառումներից, կինոյից, թատրոնից:

Գյուղում գործում է առողջապահության կենտրոն, որը գտնվում տնակային պայմաններում: Այն սպասարկում է նաեւ շրջակա գյուղերին: Կարիք կա կառուցել քարաշեն առողջության կենտրոն կամ վերանորոգել գործողը: Առողջության կենտրոնն ունի 9 աշխատող:





# ԺՈՂՈՎԱՐԴԱԳՐՈՒԹՅՈՒՆ

1. Համայնքի մշտական բնակչության ընդհանուր թիվը	
. տղամալը	1249
. կին	655
. նախադպրոցական տարիքի (0-5 տարեկան)	594
. դպրոցական տարիքի (6-17 տարեկան)	58
. միջին տարիքի (18-62 տարեկան)	192
. 62 տարեկանից բարձր	799
. ընտանիքների թիվը	200
. գրանցված ընտրողների թիվը	375
	846

## Բնակչության սոցիալական կազմը

1. Կենսաթոշակառուներ, որոնցից`	183
հաշմանդամներ (1-ին, 2-րդ, 3-րդ խմբի)	21
միակողմանի ծնողազուրկ երեխաներ	7
երկկողմանի ծնողազուրկ երեխաներ	-
մանկուց հաշմանդամ երեխաներ	6
միայնակ կենսաթոշակառուներ	17
զոհված ազատամարտիկների ընտանիքներ	-
2. Պատերազմի մասնակիցներ, վետերաններ, որոնցից`	4
ՀՀ սահմանների պաշտպանության ժամանակ վիրավորված ազատամարտիկներ (1-ին, 2-րդ, 3-րդ խմբի)	-
3. Փախստականներ (մարդ)	-
4. Բռնադատվածներ	2
5. Բազմազավակ ընտանիքներ (3 և ավելի անչափահաս երեխա ունեցող)	17
6. Սոցիալական ծառայությունների Վանաձորի տարածքային գործակալության աղքատության ընտանեկան համակարգում հաշվառված ընտանիքների թիվը (միջինը), այդ թվում`	51
ընտանեկան նպաստ ստացող ընտանիքների թիվը	51
միանվագ դրամական օգնություն ստացողների թիվը (միջինը)	-

Աշխատունակ բնակչության թիվը կազմում է 778 մարդ, որոնցից վարձատրվող աշխատանքով զբաղված են 76 մարդ: Հիմնական մասը զբաղված է հողագործությամբ և անասնապահությամբ:





## ՏԵՂԱԿԱՆ ԻՆՔՆԱԿԱՌԱՎԱՐՄԱՆ ՄԱՐՄԻՆՆԵՐ

Բնակչության սոցիալ-տնտեսական պայմանների բարելավման, համայնքի հիմնախնդիրների լուծման համար Վահագնի համայնքի ղեկավարը, համայնքի նորընտիր ավագանին իր 5 անդամներով նպատակապես պետք է ծախսեն համայնքի բյուջեի ֆինանսական միջոցները: Անհրաժեշտության և հնարավորության դեպքում միջոցներ հայթայթելու պետքի ունենալից, միջազգային և տեղական դոնոր կազմակերպություններից:


Գյուղապետարանի աշխատակազմն ունի հետևյալ կառուցվածքը.

գյուղապետի տեղակալ	–	1 միավոր
գյուղապետի օգնական	–	1 միավոր
աշխատակազմի քարտուղար	–	0 միավոր
առաջատար մասնագետ	– հաշվապահ	– 1 միավոր
I-ին կարգի մասնագետ	–	1 միավոր
II-րդ կարգի մասնագետ	–	1 միավոր
վարորդ-մեխանիզատոր	–	1 միավոր
պահակ	–	1 միավոր
տեխնիկական աշխատող	–	1 միավոր

Աշխատակազմի աշխատողների ընդհանուր թիվը՝ 8 մարդ:

## ԿՐԹՈՒԹՅՈՒՆ, ՄՇԱԿՈՒՅԹ, ՍՊՈՐՏ

Կրթական համակարգը ներառում է 1 միջնակարգ դպրոց: Մանկապարտեզը կոմունալ հարմարության, խմելու ջուրը սանիտարահիգիենիկ պայմաններին չհամապատասխանելու և գույքի բացակայության պատճառով փակվել է, իսկ մասնաշենքը որպես համայնքի գույք հատկացվել է Վահագնի գյուղապետարանին: Ընդհանուր միջնակարգ կրթությունն իրականացվում է Վահանի





միջնակարգ դպրոցում: Դպրոցը կառուցվել է 2000թ-ին: Դպրոցը համալրված է մասնագետ կադրերով, 1 ուսուցչին ընկնում է մոտ 8 աշակերտ, աշակերտների թիվը կազմում է 164, իսկ աշխատողներինը՝ 23, որից ուսուցիչ՝ 19: Դպրոցը ապահովված է հիմնական գույքով, սակայն համակարգիչների անբավարար քանակի պատճառով ինֆորմատիկայի դասերը ընթանում են ոչ լիարժեք: Դպրոցը գազաֆիկացված է, ունի մշտական խմելու ջուր, ունի լոկալ կոյուղի:

Դպրոցի ամենամեծ հիմնախնդիրներից այն է, որ չունի սպորտդահլիճ, չունի հանդերձարան, ունի վերանորոգման կարիք:

Սովորողների թվաքանակը ստաբիլ է: Սակայն քանի որ համայնքը քաղաքին կից է, նկատվում է դպրոցականների արտահոսք Վանաձոր քաղաքի տարբեր դպրոցներ:

Շրջանավարտները ուսումը շարունակում են հիմնականում Վանաձորի, ինչպես նաև հանրապետության այլ բուհերում ու կրթօջախներում:

Համայնքը չունի մշակույթի տուն, որի պատճառով համայնքը զրկված է հասարակական միջոցառումներից, կինոյից, թատրոնից:

## ԲՆԱԿԱՐԱՆԱՇԻՆՈՒԹՅՈՒՆ, ԿՈՄՈՒՆԱԼ ՏՆՏԵՍՈՒԹՅՈՒՆ ԵՎ ՃԱՆԱՊԱՐՀՆԵՐ

Համայնքի բնակֆոնդը կազմում է 24837 քառակուսի մետր մակերես, որից առանձնատներ՝ 24077 քառակուսի մետր: Երկրաշարժից բնակարան կորցրած անձանց հիմնական մասին բնակարան է հատկացվել, ներկայումս բնակարանի կարիք ունեցող ընտանիքների թիվը կազմում է 20 : Վահագնի գյուղական համայնքը չունի աղբահանության կառույց:

Համայնքային ենթակայության ճանապարհները մոտ 43 կմ են, որից բնահողային 43 կմ:

Համայնքի ուղևորատար երթուղիներում ընդգրկված ավտոբուսների քանակը՝ 2 է, մեկ ուղևորի տոմսի արժեքը՝ 300 դրամ:





**ՀՈՂՕԳՏԱԳՈՐԾՈՒՄ,  
ԳՅՈՒՂԱՏՆՏԵՍՈՒԹՅՈՒՆ, ՇՐՋԱԿԱ  
ՄԻՋԱՎԱՅՐԻ ՊԱՇՏՊԱՆՈՒԹՅՈՒՆ**

Համայնքի հողային տարածքը 1476.30 հա է, որից 1112.18 հա գյուղատնտեսական նշանակության հողեր, 136.30 հա բնակելի շինությունների տակ հողեր, 17.56 հա արդյունաբերության, 10.53 հա էներգետիկայի, տրանսպորտի և կապի, 4.41 հա հատուկ պահպանվող տարածքների, 12.19 հա անտառային և ջրային ֆոնդ: Բնակչությունը հիմնականում զբաղված է գյուղատնտեսական աշխատանքներով՝ մասնավորապես նաև այգեգործությամբ: Իսկ հիմնական զբաղմունքը անասնաբուծությունն է: Վառելանյութի թանկության, տեխնիկայի պակասի, ստացված բերքի անեկամտաբերության պատճառով վարելահողերը վեր են ածվել խոտհարքների: Հիմնականում օգտագործվում են արոտավայրերը և խոտհարքները: Վերջերս մեծացել է գյուղ. նշանակության հողատեսքերի հետ վերադարձնելու հոսքը, վարելահողերը բերրի չեն, իսկ խոտհարքները հեռագնա են, ճանապարհները կիսաքանդ, որոշ մասերում անանցանելի: Չօգտագործելու պատրվակով էլ բնակիչների որոշ մասը հրաժարվում են հողի հարկի մուծումներից, որը պատճառ է սեփական եկամուտների հավաքագրման ցածր տոկոսի և ապառքների առաջացմանը: Անասնաբուծության հիմնական ճյուղը խոշոր եղջերավորներն են՝ 755 գլուխ, որից՝ կովեր 365 գլուխ, մոզի-332, երինջ-13, արտադրող ցուլեր-47, 462 գլուխ՝ մանր եղջերավորներ, խոզերի թիվը կազմում է 36 գլուխ: Համայնքում տարածված է մեղվապահությունը 618 փեթակ մեղու, թռչունների թիվը՝ 2079:

**ԱՌՈՂՋԱՊԱՀՈՒԹՅՈՒՆ  
ՍՈՑԻԱԼԱԿԱՆ ՎԻՃԱԿ**

Համայնքում գործում է “Վահագնիի առողջության կենտրոն” ՊԲԲԸ-ն: Հիմնական մասնաշենք չունենալու պատճառով այն տեղավորված է ժամանակավոր կառույցում: Ստացիոնար բուժման կառույց չկա:

“Վահագնիի առողջության կենտրոն” ՊԲԲԸ-ն գործում է հիմնգործյա աշխատաժամանակով: Անձնակազմը հետևյալն է՝ 2 բժիշկ, 10





բութքույր, 1 հաշվապահ, 1 վարորդ, 1 սանիտար: Մասնագետները անցել են ընտանեկան բժշկի վերապատրաստման փուլերը: Բուծ օգնությունը անվճար է: Կենտրոնը սպասարկում է Վահագնի համայնքի ենթաշրջանի 6 գյուղերին:

Աննկարագրելի ցածր է բնակչության սոցիալական վիճակը: Միակ զբաղմունք գյուղատնտեսությունը, անասնաբուծությունը անեկամտաբեր է: Աղքատության տոկոսը կազմում է ընդհանուր բնակչության 40%-ից ավելին: Բարձր է գործազրկությունը, որոշակի գումար համայնքի ընտանիքների բյուջեն համալրում են արտագնա աշխատանքներից: Ցածր է զբաղվածության տոկոսը: Վարձատրվող աշխատանքով ապահովված են մոտ 76 մարդ, հիմնականում կրթության, տեղական ինքնակառավարման մարմիններում, ենթակա կազմակերպություններում, սպասարկման ոլորտում: Սոցիալական նպաստների համակարգում ընդգրկված են 51 ընտանիքներ, որից նպաստառու են 51 ընտանիք, մինչդեռ համակարգի անկատարության պատճառով շատերը զրկված են օգնությունից:

## ՀԱՄԱՅՆՔԻ ՍԵՓԱԿԱՆՈՒԹՅՈՒՆ ՀԱՆԴԻՍԱՑՈՂ ԳՈՒՅՔԻ ՖԻԶԻԿԱԿԱՆ ՎԻՃԱԿԸ

Համայնքի սեփականության գույքի ցանկը սահմանված է ՀՀ կառավարության 14.03.1997թ. թիվ 51 որոշմամբ, ինչպես նաև դրանից հետո ձեռք բերված գույքով՝ հետևյալ արտահայտությամբ.

- \* մանկապարտեզի շենք (որը հատկացված է գյուղապետարանին) - 1 միավոր
- \* ներհամայնքային փողոցներ և ճանապարհներ - 43 կմ
- \* ներհամայնքային կամուրջ (հետիոտն կամուրջ երկաթուղուն կապող) - 1 միավոր
- \* հուշարձան 1941-1945թթ. Հայրենական Մեծ պատերազմում զոհվածների - 1 միավոր՝ վատ վիճակ
- \* գերեզմանատուն - 2 միավոր
- \* կովանոց 100 գլխի համախ - 1 միավոր
- \* կովանոց 200 գլխի համախ - 1 միավոր
- \* հորթանոց 100 գլխի համախ - 1 միավոր





- \* ջրհան կայան – 1 միավոր՝ վթարային
- \* տնակ գերմանական – 20 միավոր՝ վատ վիճակ
- \* ՆԻՎԱ ՎԱԶ 2121 – 1 միավոր՝ նորմալ վիճակում

## ՀԱՄԱՅՆՔԻՆ ՀԻՄՆԱԿԱՆ ՎՏԱՆԳ ՍՊԱՌՆՈՂ ՓՈՓՈԽՈՒԹՅՈՒՆՆԵՐԸ

- \* բնակչության անապահովության, հողերի օգտագործման անարդյունավետության, ինչպես նաև համայնքից երկարատև բացակայության պատճառով չեն կատարվում հարկային պարտականությունները՝ հիմնականում հողային
- \* արտագնա աշխատանքը և բնակչության արտահոսքը

## ՀԱՄԱՅՆՔԻ ՀԻՄՆԱԿԱՆ ՈՒԺԵՂ ԿՈՂՍԵՐԸ ԵՎ ՀՆԱՐԱՎՈՐՈՒԹՅՈՒՆՆԵՐԸ

- \* գյուղը մոտ է գտնվում միջհամայնքային Վանաձոր-Ալավերդի խճուղային ճանապարհին, մշտական կապ ունի մարզկենտրոնի, մարզային և հանրապետության մյուս քաղաքների հետ
- \* համայնքը մեծմասամբ գազաֆիկացված է, համայնքում հեռախոսակապը նորմալ է և որակով
- \* գործող առևտրական օբյեկտները հիմնականում բավարարում են բնակչության պարենային պահանջները
- \* բարեխառն եղանակը և առկա արտավայրերը հիմք են անասնաբուծության զարգացման
- \* գյուղում կա 1941-1945թթ Հայրենական Մեծ պատերազմում զոհվածների հիշատակին նվիրված հուշարձան-կոթող, բազմաթիվ խաչքարեր, կիկլոպյան դարաշրջանի ամրոցներ ի հիմքեր, որոնց շնորհիվ կարելի է զարգացնել զբոսգրքությունը գյուղում





## ՀԱՄԱՅՆՔԻ ԹՈՒՅԼ ԿՈՂՄԵՐԸ

- \* ներհամայնքային և միջհամայնքային ճանապարհների, փողոցների անմխիթար վիճակը,
- \* զբաղվածության ցածր մակարդակը, աշխատատեղերի պակասը
- \* բնակչության 40 %-ը սոցիալապես անապահով են
- \* համայնքում բարձր է արտերկիր արտագաղթը
- \* գյուղատնտեսական տեխնիկայի բացակայությունը, որը ազդում է գյուղատնտեսության զարգացման վրա
- \* Մշակույթի կենտրոնի չենք չունենալը

## 3. ՀԱՄԱՅՆՔԻ ՌԱԶՄԱՎԱՐՈՒԹՅՈՒՆԸ ԵՎ ՀԻՄՆԱԿԱՆ ՆՊԱՏԱԿՆԵՐԸ

Համայնքի ղեկավարը, ավագանին հաշվի առնելով բնակչության պահանջները, սահմանում են զարգացման հետևյալ ռազմավարությունը՝ համայնքը դարձնել բարեկարգ, բարելավել ազգաբնակչության սոցիալ-տնտեսական պայմանները, օժանդակել գյուղատնտեսական արտադրության ավելացմանը: Առաջիկա 4 տարում համայնքի հիմնական նպատակային խնդիրներն են.

- \* ներհամայնքային ճանապարհների բարեկանգնում, ասֆալտապատում
- \* Հայրենական Մեծ պատերազմում զոհվածների հիշատակին նվիրված հուշարձան և կից թանգարանի վերանորոգում
- \* դպրոցի մարզադահլիճի կառուցում, գույքի և համապատասխան պարագաների ձեռք բերում
- \* սելավատարի և հեղեղատարների կառուցում





#### 4. ԱՌԱՋՆԱՀԵՐԹ ԾՐԱԳՐԵՐԻ ԿՈՆԿՐԵՏ ՆԿԱՐԱԳԻՐԸ, ՆՊԱՏԱԿՆԵՐԸ, ԽՆԴԻՐՆԵՐԻ ՁԵՎԱԿԵՐՊՈՒՄԸ ԸՍՏ ԱՌԱՆՁԻՆ ԲՆԱԳԱՎԱՌՆԵՐԻ

##### ԾՐԱԳԻՐ 1

ՆԵՐՀԱՄԱՅՆՔԱՅԻՆ ՃԱՆԱՊԱՐՀՆԵՐԻ ԱՍՖԱԼՏԱՊԱՏՈՒՄ,  
ԲԱՐԵԿԱՐԳՈՒՄ

**նկարագիրը** – Վանաձոր- Ալավերդի մայրուղուց համայնքի 1-ին փողոց  
թեքվող ճանապարհի հենց սկզբնական մասից գյուղամիջյան ամբողջ  
ճանապարհները անբարեկարգ են, կենտրոնական ճանապարհները  
ասֆալտապատվել են դեռևս խորհրդային տարիներին, իսկ ասֆալտի  
հետքը հազիվ է երևում , ավելնորդ է խոսել ոչ կենտրոնական  
ճանապարհների մասին: Համայնքային բյուջեից կամ համայնքի  
դեկավարի ուժերով տարեկան պարբերաբար բարեկարգվում,  
խճապատվում են գյուղամիջյան որոշակի հատվածներ, սակայն թեք  
տեղանքի, սելավների պատճառով նորից քանդվում է:

**նպատակը** – բարեկարգել գյուղի փողոցները և ճանապարհները,  
մաքրել, կառուցապատել սելավատարները, ասֆալտապատել  
կենտրոնական ճանապարհը,

**խնդիրը** – կատարել կենտրոնական ճանապարհների հիմնամորթում՝  
ասֆալտապատում կատարել համայնքի փողոցների խճապատում,  
հարթեցում : Նշված աշխատանքը հնարավոր չէ կատարել համայնքի  
բյուջեից: Դիմել ՀՀ կառավարությանը, կամ հիմնադրամներին ու  
միջազգային կազմակերպություններին՝ ֆինանսական աջակցություն  
ստանալու հարցով:

**արդյունքները** – կբարեկարգվի համայնքի տարածքը, փողոցները,  
ճանապարհները, կապահովվի տրանսպորտի բոլոր միջոցների  
համար բավարար երթևեկության պայմաններ տարվա բոլոր  
եղանակներին:





## ԾՐԱԳԻՐ 2

ՀԱՅՐԵՆԱԿԱՆ ՄԵԾ ՊԱՏԵՐԱԶՄՈՒՄ ԶՈՀՎԱԾՆԵՐԻ ՀԻՇԱՏԱԿԻՆ  
ՆՎԻՐՎԱԾ ՀՈՒՇԱՐՁԱՆԻ ԵՎ ԿԻՑ ԹԱՆԳԱՐԱՆԻ ՎԵՐԱՆՈՐՈԳՈՒՄ

**Նկարագիրը** – Հայրենական Մեծ պատերազմում զոհված Վահագնեցիների հիշատակին կառուցված Վահագն վիշապաքաղ հուշարձանը և կից թանգարանը կառուցումից հետո (1973թ.) չի վերանորոգվել, գտնվում է խարխալված վիճակում, կարք ունի հիմնական վերանորոգման:

**Նպատակը** – Վերանորոգել Հայրենական Մեծ պատերազմում զոհվածների հիշատակին նվիրված հուշարձան-կոթողը, որի շնորհիվ կարելի է զարգացնել զբոսգրծությունը գյուղում

**խնդիրը** – Հիմնական վերանորոգման աշխատանքը հնարավոր չէ կատարել համայնքի բյուջեից: Դիմել ՀՀ կառավարությանը, ֆինանսական աջակցություն ստանալու հարցով, ինչպես նաև կազմակերպել բարերարների կամ համայնքի կողմից ներդրումների հարցը:

**արդյունքները** – Ծրագիրն իրականացնելուց հետո համայնքում կզարգանա զբոսգրծությունը:

## ԾՐԱԳԻՐ 3

ԴՊՐՈՑԻ ՄԱՐԶԱԴԱՀԼԻՃԻ ԿԱՌՈՒՑՈՒՄ

**Նկարագիրը** – Վահագնի համայնքի դպրոցը չունի մարզադահլիճ

**Նպատակը** –

- \* ստեղծել աշխատանքի և ուսման համար նորմալ պայմաններ՝ ջեռուցում, հանդերձարան, լոգասենյակ,
- \* հնարավորությունների սահմաններում ստեղծել սպորտաձևերի խմբեր





- \* աջակցել համայնքի պատանիների և երեխաների առողջ ապրելակերպին

**խնդիրը –**

- \* կազմել մարզադահլիճի կառուցման և ջեռուցման համակարգի մախագիծ մախահաշիվ
- \* կառուցման ծրագրի համար դիմել այլ հիմնադրամների ու միջազգային կազմակերպությունների՝ ֆինանսավորելու համար:

**արդյունքները –**

- \* համայնքում կգարգանա սպորտը, կբացվեն նոր սպորտաձևերի խմբեր

#### ԾՐԱԳԻՐ 4

### ՍԵԼԱՎԱՏԱՐԻ ԵՎ ՀԵՂԵՂԱՏԱՐԻ ԿԱՌՈՒՑՄԱՆ ԵՎ ՄԱՔՐՄԱՆ ԱՇԽԱՏԱՆՔՆԵՐ

**Ոկարագիրը** – Լոռու մարզի Վահագնի համայնքի ճանապարհները անձրեւներից եւ հեղեղումներից շարքից դուս եւ եկել սելավատարի բացակայության պատճառով, կենտրոնական ճանապարհները ասֆալտապատվել են դեռևս խորհրդային տարիներին, իսկ ասֆալտի հետքը հազիվ է երևում , ավելնորդ է խոսել ոչ կենտրոնական ճանապարհների մասին, որոնք հետյոտնի համար դարձել է դժվարանցանելի, իսկ տրանսպորտի համար՝ անանցանելի:

**Ոպատակը** - բետոնե կոնստրուկցիաներով եւ մետաղյա խողովակներով կառուցել սելավատար ճանապարհը սելավներից զերծ պահելու համար:

**խնդիրը** – Դիմել ՀՀ կառավարությանը, կամ հիմնադրամներին ու միջազգային կազմակերպություններին՝ ֆինանսական աջակցություն ստանալու հարցով: Համայնքի բյուջեից կկատարվի ներդրում:

**արդյունքները** – Սելավատարների կառուցումից հետո կբարեկարգվի համայնքի ճանապարհները ու փողոցները :

